

## Otvoren treći Internacionalni plivački miting „Mladi za mlade“

U Olimpijskom bazenu Otoka danas je svečano otvoren Treći međunarodni plivački miting "Mladi za mlade" u organizaciji istoimenog udruženja i Plivačkog kluba Sporttime, te suorganizaciji Olimpijskog bazena Otoka.

Nakon svečanog defilea i intoniranja himne, posjetiocima se obratio počasni gost mitinga olimpijac Zlatan Horo, koji je poseban uspjeh zabilježio u okviru Evropskih ljetnih igra SPECIJALNE OLIMPIJADE održanoj u Belgiji ove godine gdje je osvojio srebrenu medalju u disciplini 50 m prsno. Zlatan se zahvalio organizatorima na pozivu i olimpijskom bazenu Otoka, te poželio sreću svim učesnicima mitinga.

Ovogodišnji plivački miting „Mladi za mlade“ svečano je otvorio dr. Ranko Čović, zamjenik gradonačelnika Grada Sarajevo, koji je izrazio zadovoljstvo prisustva najmasovnijem plivačkom mitingu u BiH, te podržao sve takmičare mitinga i proglasio miting otvorenim.

Svečanom otvorenju mitinga prisustvovao je i šef odsjeka za sport Ministarstva civilnih poslova BiH, Ilijaz Omerović i direktor olimpijskog bazena Otoka Avdija Hasanović.

U okviru današnjeg takmičenja oboreno je više državnih rekorda po sljedećim disciplinama:

Muški, 100m slobodno – Anđelo Šimić 51.83 iz PK Bosna

Muški, 200m prsno – Bakir Babović 2:30 iz PK Bosna i Amar Šapčanin 2:32.50 iz PK Sport time

Muški, 50m Delfin/Fly – Vedad Ramić 24.38 iz PK Bosna

Ženski, 400m Slobodno – Jana Vranić 4:21.67 iz PK Olimp-Terre Hrvatska

U nedjelju, trećeg dana mitinga, održat će se finalne utrke, te Grand prix utrka u disciplini 50m kral u muškoj i ženskoj konkurenciji.

Za najbolja isplivana vremena Grand prix utrke dodjelit će se nagrade - paket sportske opreme koju je obezbjedila firma Swem star.

U završnom dijelu takmičenja dodjelit će se novčane nagrade za najbolja isplivana vremena koje je obezbjedila kompanija MHS.

Plivački miting podržan je od svih relevantnih institucija: Plivački savez BiH, Ministarstvo civilnih poslova BiH, Federalno ministarstvo kulture i sporta te Olimpijski komitete BiH.

Za smještaj takmičara pobrinuo se hotel BM, a finansijsku podršku projektu pružili su: BH Telecom, Lutrija, Klas, Imtec, Harysoft, Franck, Abacus i Palma. Medijski pokrovitelji projekta su: RSG radio, Antena Sarajevo, Klix.ba i Avaz sport.